

56 Sama gildir, þegar vegabréf hefur verið gefið út til ákveðinnar ferðar, og
13. marz þeirri ferð er lokið.

Kona vegabréfshafa og börn hans, sem hafa fengið vegabréf samkv. 4. gr. 12. tölulið og 5. gr. 9. tölulið skulu á sama hátt afhenda utanríkisráðuneytinu eða næsta sendiráði vegabréf sín samtímis því, sem vegabréfshafi samkvæmt því, er segir í 1. og 2. mgr. afhendir vegabréf sitt til baka.

8. gr.

Sendiráðum heimilast að framlengja gildi vegabréfa fyrir starfsmenn utanríkisráðuneytisins, þá, sem nefndir eru í 4. gr. 8. tölul. og 5. gr. 5. tölul., sem og vegabréf fyrir konur þeirra og börn. Vegabréf þessi skal þó eigi framlengja fyrir lengri tíma en svo, að vegabréfshafa gefist tími til að afla sér nýs vegabréfs frá utanríkisráðuneytinu, og aldrei lengur en til eins árs í senn.

Gildi annarra vegabréfa má eigi framlengja nema að fengnu leyfi utanríkisráðuneytisins.

9. gr.

Fyrir útgáfu eða framlengingu diplomatískra eða almennra vegabréfa utanríkisráðuneytisins skal ekkert gjald greiða.

Reglugerð þessi er sett samkvæmt heimild í lögum nr. 31 27. júní 1941 og öðlast þegar gildi.

Samtímis fellur úr gildi reglugerð utanríkisráðuneytisins 14. sept. 1944 um diplomatísk vegabréf.

Utanríkisráðuneytið, 13. marz 1945.

Ólafur Thors.

57

GJALDSKRÁ OG REGLUR

15. marz

um leigukjör og starfrækslu á firðtalstöðvum, sem Landssíminn lætur á leigu til afskekkttra bæja, þar sem símar ná ekki til.

1. gr.

Sá, er óskar að taka á leigu firðtalstöð til afnota á afskekktum bæ, sendi skriflega umsókn til póst- og símamálastjórnarinnar og tilgreini þar nauðsyn þess og aðrar aðstæður.

2. gr.

Landssíminn leggur til senditæki og viðtæki með lömpum af þeirri gerð tækja, sem til leigu eru á hverjum tíma. Leigutaki kostar uppsetningu tækjanna samkvæmt fyrir sögn Landssímans svo og uppsetningu loftnets og jarðsambands. Enn fremur skal leigutaki sjá um, að rafmagn með hæfilegri orku og spennu sé fyrir hendi og leitt að tækjunum og kosti rafhlöður, rafgeyma og hleðslubúnað þeirra.

3. gr.

Leigutaka eða þeim, sem á að starfrækja stöðina, er skylt að undirrita þagnarheit og haga starfrækslunni í einu og öllu eftir fyrirmælum Landssímans og hlíta þeim ákvæðum og reglum, sem settar eru eða settar kunna að verða um starfrækslu slíkra stöðva. Verði misbrestur á þessu, getur póst- og símamálastjórnin afturkallað starfræksluleyfi stöðvarinnar, lokað henni eða tekið hana burtu.

4. gr.

57

Leigutaka ber að sjá um, að stöðin sé vel með farin og henni sé haldið þurri og hreinni. 15. marz

5. gr.

Landssíminn ber kostnað af viðgerðarvinnu og efni til stöðvarinnar vegna eðlilegs slits, að undanskildu viðhaldi loftnets, rafgeyma, rafhlaðna, hleðslubúnaðar og viðtökulampa, en kostnað af því ber leigutaki. Leigutaki ber og kostnað af viðgerðum og hreinsun tækjanna, er stafar af slæmri meðferð eða vanhvirðu þeirra, meðan þau eru í vörzlu hans, svo og ferðalagi viðgerðarmanns, ef nauðsyn er til þess.

6. gr.

Leigutaki er skyldur að hafa tækin að fullu vátryggð á sinn kostnað gegn hvers konar tjóni, og ber honum að greiða Landssímanum tryggingarupphæðina, ef tækin eyðileggjast, og hlutfallslega fyrir skemmdir, enda á Landssíminn beinan rétt til vátryggingarfjárins.

7. gr.

Firðtalstöð leigutaka skal afgreiða einungis við þá eða þær talstöðvar Landsímans, sem póst- og símamálastjórnin ákveður, og á þeim tímum, sem póst- og símamálastjórnin tiltekur, og má ekki — nema um neyðarráðstöfun sé að ræða — hafa viðskipti við aðrar stöðvar, hvort heldur eru fastastöðvar eða farstöðvar.

8. gr.

Fyrir hvert 3 mínútna viðtalsbil eða hvert 10 orða talskeyti, önnur en þjónustuskeyti og veðurskeyti, milli stöðvar leigutaka og þeirrar stöðvar Landssímans, sem afgreitt er við, er gjaldið 3 krónur, en 30 aurar fyrir hvert orð þar fram yfir, og skiptist til helminga milli leigutaka og Landssímans, en auk þess greiðist venjulegt skýta-gjald til Landssímans, ef skeytið á að ganga lengra en til þeirrar landssímastöðvar, sem stöð leigutaka afgreiðir við. Af meðteknum skeytum frá öðrum stöðvum Landsímans má ekkert gjald taka.

9. gr.

Ársleigan greiðist í einu lagi fyrirfram innan 1. apríl ár hvert. Minnsti leigutími er 2 ár.

10. gr.

Stofngjald, leiga og vátryggingarupphæð fyrir hinar ýmsu gerðir tækja er sem hér segir:

Gerð G2. Talsendir (2—4 watta fyrir rafhlöður, gömul gerð).

Ársleiga kr. 100.00

Vátryggingarupphæð — 1700.00

Gerð V2. Viðtæki (fyrir rafhlöður, gömul gerð).

Ársleiga kr. 120.00

Vátryggingarupphæð — 1200.00

Gerð GV2. Talsendir (6—8 watta, með 6 eða 12 volta spennubreyti).

Stofngjald kr. 160.00

Ársleiga — 200.00

Vátryggingarupphæð — 3000.00

Gerð VG2 Viðtæki (með 6 eða 12 volta spennubreyti).

Stofngjald kr. 100.00

Ársleiga — 160.00

Vátryggingarupphæð — 1600.00

57 Gerð GVV. Talsendir (6—10 watt, með 6 eða 12 volta spennubreyti) og sambyggð
15. marz viðtæki (super).

Stofngjald	kr.	300.00
Ársleiga	—	400.00
Vátryggingarupphæð	—	4500.00

11. gr.

Lögtaksréttur er á gjöldum þessum.

12. gr.

Stöðvar þær og tæki, er Landssíminn lætur á leigu, eru að sjálfsögðu háðar hin-
um almennu reglum, innlendum og alþjóðlegum, er gilda um slíkar stöðvar og rekstur
þeirra á hverjum tíma og getur Landssíminn afturkallað leyfisbréf stöðvar, lokað
henni eða tekið hana burtu, ef settar reglur eru ekki haldnar.

13. gr.

Gjaldskrá þessi og reglur eru settar samkvæmt 12. gr. laga nr. 30 27. júní 1941,
um fjarskipti. Jafnframt fellur úr gildi gjaldskrá og reglur um kjör og starfrækslu-
tilhögun á einkafirðtalstöðvum, sem settar eru upp á afskekktum stöðum, þar sem
símar ná ekki til, dags. 6. okt. 1933.

Samgöngumálaráðherra, 15. marz 1945.

Emil Jónsson.

Guðmundur Hliðdal.

58

GJALDSKRÁ OG REGLUR

15. marz

um leigukjör á loftskýtastöðvum og firðtalstöðvum, sem Landssíminn lætur á
leigu í íslensk skip.

1. gr.

Skipseigandi eða útgerðarfélag, sem óskar að taka á leigu loftskýtastöð eða tal-
stöð í íslenskt skip, sendi skriflega umsókn um það til póst- og símamálastjórnar-
innar, sem gefur út leyfisbréf fyrir stöðina og önnur skirteini.

2. gr.

Landssíminn leggur til senditæki og viðtæki með lömpum af þeirri gerð tækja,
sem eru til leigu á hverjum tíma og umsækjandi óskar eftir. Tækin eru eign Lands-
símans, og leigir hann skipseiganda þau til afnota í skipinu. Landssíminn annast
uppsetningu tækjanna, en skipseigandi kosti loftnetsbúnað stöðvarinnar (svo sem
loftnet og jarðnet), sem haga skal samkvæmt fyrirmælum Landssímans. Enn frem-
ur skal leigutaki sjá um, að rafmagn með hæfilegri orku og spennu sé fyrir hendi
og leitt að tækjunum, svo og um alla trésmíðavinnu og aðra vinnu en rafmagns-
uppsetningu tækjanna. Einnig skal leigutaki kaupa rafgeyma, rafhlöður og hleðslu-
spjöld fyrir stöðina og kosta lögn frá rafgeymum til hleðsluspjalds.

3. gr.

Leigutaka ber að sjá um, að enginn starfræki stöðina, nema sá, sem hefur fengið
skirteini frá póst- og símamálastjórninni, er heimili honum að gæta slíkrar stöðvar